



Grace

日頭的光，tshiō佇Grace的身軀，白色濫米黃色的毛，光iānn-iānn。不三時，有生份的人停落來注神看伊，呵咾伊生做真嬌。對狗有淡薄仔了解的人，看伊活潑、好奇的模樣，攏臆伊是狗仔囡，事實上伊咧欲滿一歲。這馬的Grace，歡喜過日子、幸福無地比。毋過半年前，伊毋是這個形，伊有皮膚病，毛焦lian若稻草，穠閣臭老，無人會共伊恰古錐鬥做伙。伊是一隻拉不拉多濫土狗的流浪狗。

我敬佩遐个為流浪狗奉獻的人，毋過，我本身對狗無啥感覺。我是一个連「米格魯」恰「哈士奇」嘛分袂清楚的人，對我來講，狗就是狗，毋管伊生做大隻細隻，圓的抑扁的，攏恰我無關係。但是，一切攏因為Grace的出現，完全無仝looh。這馬的我，逐工下班攏會緊趕轉去，因為Grace咧等我，轉去的頭項工課就是沖狗尿、掃狗屎。阮歡喜做、甘願受，因為伊是阮的寶貝。為啥物Grace會成做阮厝的一份子？認真回想起來，冥冥中間，若注好好的。

拄著Grace進前的一禮拜，一个攏咧祛流浪狗的阿蘭師姐敲電話予我，問我是毋是願意照顧一隻hông放揀的「雪納瑞」，伊共叫做Rainbow，大約三歲大，發現的時，規身軀全傷，長軀軀的毛結規球，對人充滿敵意，可能hông苦毒，經過個個外月的照顧，Rainbow變甲古錐閣黏人，伊予Rainbow暫時蹠佇寵物旅館。伊e-mail Rainbow的相片予我，希望我予Rainbow一个厝。現實環境的問題，予我真躊躇。師姐講伊的公寓已經飼六隻中大型狗，實在無空間仔。彼暗，恰阮翁婿參詳，伊勉強同意照顧一隻食素食的狗，阮就去共Rainbow mooh轉來，Rainbow一看著阮，主動跳來欲予阮抱，到厝了後要規暝。隔轉工阮去上班，心肝亂紛紛，毋知伊家已佇厝有乖無？想袂到一轉去，厝邊就來投，講伊哀規工，社區的主委嘛來抗議，阮只好共Rainbow送轉去。欲離開的時，伊親像足毋甘的，我嘛無奈何。

十月下旬，雨落袂煞，彼工總算出日頭，我恰平常仝款去教室巡學生食晝，經過二十五班的教室，一陣因仔圍佇一隻狗的邊仔，塗跤有因仔好心提予伊食的飯菜，伊連鼻芳一下嘛無，恬恬坐佇壁邊。「老師，伊忖攏毋食？」一个因仔問我。個十喙九尻川(kha-tshng)咧會彼隻狗毋食的原因。「我知影，伊傷心甲食袂落」，一个平常真孽的因仔大聲講。伊講彼隻狗失去狗仔伴咧傷心，講有一隻恰伊生做一模一樣的狗，毋知是個姐妹抑是個因，已經死去矣，這馬賭(tshun)伊孤一个。其他的因仔嘛共伊贊聲，講個有看過彼隻狗。我予個講的故事感動著，用理智的口氣講：「伊應該是破病啦。」我看著伊的眼神充

滿悲傷，緊越頭做我走，袂輸一个戰敗的小卒仔走若飛。心肝頭茹tsháng-tsháng，我無法度坐咧好好仔食飯，伊絕望的眼神予我的心若針咧鑿、刀咧搥。較輸講法老的查某困若無共園紅嬰仔摩西的竹籃揸起來，世界就無《舊約全書》。對我來講，Grace就若親像鉛桶內面的紅嬰仔，我只要共鉛桶揸起來，伊就脫離大水的威脅，命運就會完全無全款。

我徵求一个有飼狗經驗的囡仔佢我做伙tshuā伊去看醫生。醫生詳細檢查：中型身材，瘦閣薄板，身重十公斤，貧血、發燒，得著肺炎，肝嘛腫腫。醫生報我看伊趴佇手術檯的身軀掣一下掣一下，病毒已經侵入神經。醫生講盡力救看覓，無掛保證醫會好。一工干焦住院的費用著愛九佰箍，我無時間躊躇，嘛無法度見死不救。醫生隨共伊注射，伊連振動的氣力嘛無，據在射針tōng佇身軀。伊形容憔悴，毋知食佻濟苦楚。我看著一个當咧受苦的靈魂。

阿蘭師姐共我講：「個毋驚死，個掛意的是有人愛個無。臨終的時，你一定愛陪佇伊的身邊，伊會歡喜帶著你的愛來離開。」毋知按怎，我的目屎煞親像拍開的水道水流袂離。《深河》的主角大津神父，跪咧祈禱，掀開聖經的一頁：「伊看起來淒慘，人人看袂起伊、放揀伊，像遭受怨妒hông棄嫌的人，伊用手遮面，任人欺負，伊確實搯咱的病痛，承擔咱的悲傷」，伊講：「神有各種形象……，神毋是人仰望的對象，反倒轉來佇咱人中間，嘛包括樹仔佢花草」。佇受苦的人身上，大津神父看著耶穌，佇動物植物內面看著神。

Grace脫離危險，大家攏誠歡喜。囡仔逐工攏咧問：「狗tang時會當出院？」個主動捐出買四秀仔的錢，鬥窮(khîng)醫藥費，實在足感心的。只是無人會當收留伊，其實囡仔攏真興(hìng)，只是序大毋答應。我只好共tshuā轉來厝，伊閣真虛，需要靜養。阮翁建議共tshuā轉去學校放，我無同意。伊佇遐予環境淘汰一擺，我袂使目睭金金，看伊閣受傷害。

考驗才拄開始。頭一暗伊上無放六埤尿，規暝我攏揉塗跤佢教伊佇浴間仔放屎尿。天光，伊總算放對所在，阮一直共呵咾，伊歡喜甲跤手ng天踢來踢去，腹肚現現，後來阮才知影彼是完全臣服的姿勢。放屎尿的大代誌，總算解決仔。毋過後來發生一件代誌予阮當時誠生氣。彼日，我買好欲予伊食的、用的、耍的物件，拍開門竟然看著伊佇膨椅頂耍拖仔鞋。我想無伊是按怎peh過隔開的枋仔跳去膨椅。敢若知影伊共家己活動的範圍舞甲垃圾lí-lô。會當確定的是伊的身體完全好仔，精神飽滿、活力十足。我共塗跤掃清氣，用報紙做棍仔，請伊食一頓粗飽，伊覷佇浴間仔，親像做毋著hông處罰的囡仔，表情驚惶閣無辜。尾仔我才明白，原因出佇彼日我嫌便所有尿味共伊噴芳水。

佳哉，現代資訊發達，阮佇短短的時間內，了解濟濟關係狗的智識。親像頭擺做人爸毋，驚有任何失覺察。阮希望伊自在、快樂、幸福。Grace這個名是阮號的，意思是「恩典」佢「優雅」，予伊綴上帝姓「G」，因為上帝的恩典佢眾人的愛心，伊才有重生的機會，阮嘛期待伊做一个優雅的淑女。

Grace予阮上安慰的是袂亂吠，毋知是伊生成安靜，抑是因為我拄開始就共講Rainbow的代誌，我uān頭交待：「你若吵著厝邊，阮著無法度留你。」我咧管教Grace的時，常在有人會問我：「伊敢聽有？」有一件代誌予我印象真深。彼日過晝，我提早轉去，開門煞愣去，Grace咬家己的被，咬甲碎糊糊，「乾糧」掖規塗跤，我熯火著，共伊罵甲臭頭講：「好食物仔你家己清，我無欲替你收。」我共家己關佇房間內，無欲tshap伊。毋知過佻久，Grace吠一聲，我拍開門，伊坐挺挺佇我的面頭前，塗跤的「乾糧」全部清好矣，伊用行動回應我的要求。

毋過，知影佢做會到是兩回事。他亂食、亂咬的歹習慣就真oh改。屎內面有衛生紙、布、塑膠……，攞是伊犯罪的證據。醫生講牙槽癢、不安、無聊，攞會亂咬。「潔牙骨」佢迫迫物嘛攞攞矣，情形有時好有時糲。毋過若有人佇厝，遮的攞袂發生。逐擺阮欲出門，伊著靜靜坐佇壁角，用毋甘的眼神接受阮離開的事實，予阮真行袂開跔。逐工，阮攞會當感受伊的信賴佢感恩。透早伊歡歡喜喜等阮起床，看伊共阮攞的物件食了了，親像山珍海味，我攞足感動的。一開始，阮買素食的「乾糧」飼伊，尾仔發現伊開始想欲食阮食的物件，番薯、馬鈴薯、金瓜、紅菜頭、青菜、水果……，伊逐項欲，甚至阮配茶的塗豆，伊嘛食甲siah-siah叫。只要是阮食的，伊攞認為是「人間美味」。伊愈來愈像阮兜的查某囡。

Grace愈來愈活潑，拄開始伊攞綴佇阮身邊，後來袂輸野馬從來從去，毋過伊攞會停落來等阮，阮若大聲喝，伊嘛會隨轉來，逐工伊攞充滿熱情佢活力。佇伊身上，阮學到真濟功課，莊子講：「道佇屎尿中。」正港一點仔都無毋著。感恩上帝賜予阮Grace，有Grace足好！

創作理念

動物是人類的好朋友，狗是咱忠實的伴侶。真濟狗佢人之間使人感動的故事，hông拍作電影，造成一時轟動。有人衝碰買狗來飼，拄著問題煞kah放sak，甚至苦毒狗。這幾年流浪狗的問題愈來愈嚴重。關懷動物生命的團體不斷呼籲：愛伊就毋通放sak伊、用認養代替買來飼、用絕育來代替撲殺。毋知逐家聽著無？《Grace》是阮收留一隻流浪狗的故事。阮希望閣較濟人來疼惜無辜的性命，予個一个遮風避雨、有愛、有溫暖的厝。

廖張囍

臺北縣立清水高中國中部教師

